


305

35.



Ein Schōn new Christenlich lied / Einem yeden Christen menschen nūtzlich zu hören.

Kümfst her zu mir spricht Got-
tes Sun ic. Im dem thon.
Was wöll wir aber heben an / ic.



Ein schön New Christlich Lied.

Rümpt her zu mir spricht Gott
tes Sun/all die jr seyt beschwe
ret nun/ mit sünden hart beladen/
Jung vnd auch alt frawen vnn
man/ ich wil euch geben was ich
han/wil heylen ewern schaden.

TMeyn soch ist süß mein bürd ist
ring/ wer mirs nach tregt in dem
geding/der hell wirt er entweichē/
Ich wil Ihm trewlich helffen tra
gen/mit meyn er hülff wirdt er ers
iagen/das ewig Hymelreiche.

TWas ich than hab vnd gelidten
hie/in meynem leben spat vñ früe/
das soll Jr auch erfüllen/ Was jr

gedenckt ja red vnd thüt/das wir
euch alles recht vnd güt/wens ges-
schicht nach Gottes willen.

T Gern wolt die welt auch selig
sein/ wen nur nit wer die schwere
peyn/die alle Christen leyden/ So
mag es anders nit geseyn/darumb
ergib dich nur darein/ wer ewig
pein wil meyden.

T All Creaturn gezeugen das/
was lebt in wasser laub vñ gräß/
Sein leyden kan es nicht meyden/
wer dan in Gottes namen nit wil
zü letzt müß er des Teuffels zill/
mit schwerem gewissen leyden.

T Heut ist der Mensch schön
jung vñ lanck/ vnd morgen wirdt
er tödlich franck/bald müß er auch

gar sterben / Gleich wie die blüm-
lein auff dem veldt / allso muß es
die schöne diser welt / in eiuem huy
verderben.

T Die welt erzittert ob dem todt/
wenn eyner ligt in letzter not / dañ
wil er gleich früm werden / Eyner
schafft diß der annder das / seyner
armen Seel er ganz vergaß / dies
weyl er lebt auff erden .

T Und wann er nymer leben
mag / so hebst er an ein grosse klag /
will sich erst Gott ergebenn / Ich
fürcht fürwar die Götlich gnad /
die er allzeyt verspottet hat / verd
schwerlich ob jm schwelen.

T Ein Reychen hilfft doch nit
sein güt / den jungen mit sein stoltzer

müt/ er müß auf disem Mayen/
 Wan eyner het die ganzen weldt/
 Silber vnd Golt vnd alles gelt/
 noch müß er an den rayen.

T Den glerten hilfft doch nicht
 sein kunst/ der weldtlich pracht ist
 gar vmb sunst/ wir müssenn alle
 sterben/ Wer sich in Christo nit
 ergeyt / weyl Er lebt in genaden
 zeyt/ ewig müß er verderben.

T Hört vnn und mercket jr ließen
 findt/ die yetzundt Gott ergeben
 findt/ last euch die müie nit rewen/
 halt ståt am heyling Gottes wort
 dz sey ewer trost vñ höchster hort/
 Gott wirdt euch schon erfrewen.

T Nit vbel Jr vmb vbel gebt/
 schawt das jr hie vnschuldig lebt/

last euch die welt nur affen/ Gebt
 Gotr die rach vnd alle Eer/ den
 engen steyg gehet ymmer her/ Got
 wirdt die welt schon straffen.

TWañ es gieng nach des fleisches
 müt/in gunst vnd gsundt mit gro-
 ssem güt/gar bald würdt jrs erkäl-
 ten/darumb schickt Gott die trübs-
 sal her/damit ewer fleysch gezüch-
 tigt werd/zü ewiger freud erhalten

TIst euch das Creutz bitter vnd
 schwer/ gedenckt wie heys die hel-
 le wer/darein die welt thüt renne/
 mit leyb vñ Seel muß leyden sein/
 on vnnderlaß die ewig peyn/ vnd
 mag doch nit verbrinnen.

TJr aber werdt nach diser zeyt/
 mit Christo haben ewig freud/ da

311
hin solt jr gedencken / Es lebt kayn
man ders auß sprechen kan / die
Glori vnd den Ewigen lon / den
euch der Herr wirdt schencken.

T Vnnd was der ewig güttig
Got / in seynem geyst versprochen
hat / geschworn bey seynem namen
das heilt vnd gibt Er gwis für-
war / der helff vns an der Engel
schar / durch Ihesum Christum
A M E N.

T Gedrückt zu Landshüt
durch Georgium Apianum.

S C B C

312

VO 16 V2724